



MINISTERIO
Husticia y Asuntonan Social

Gobierno di Aruba

L.G Smith Blvd. 76
Oranjestad, Aruba
Tel. (297) 528 4900

Aan de heer mr. Edgard Vrolijk
Voorzitter van de Staten
L.G. Smith Blvd 72
Oranjestad
Alhier

STATEN VAN ARUBA
Ingek. 03 NOV 2021
Volgnr.: IS/200/21-22

Oranjestad, 1 november 2021

Ons kenmerk: MSJZ-441/21

Betreft: Vragen Statenlid dhr. Miguel J. Mansur

Geachte heer Vrolijk,

Ingesloten gelieve u aan te treffen de antwoorden op de vragen van het Statenlid dhr. Miguel J. Mansur.

Hoogachtend,

Rocco G. Tjon, MBA
Minister van Justitie en Sociale Zaken



Aan het Statenlid dhr. Miguel J. Mansur
p/a Staten van Aruba
L.G. Smith Blvd 72
Oranjestad
Alhier

Oranjestad, 1 november 2021

Ons Kenmerk: MSJZ- 442/21

Geachte heer Mansur,

Naar aanleiding van uw vragen d.d. 14 oktober 2021, vragen betreffende kinderopvang, bericht ik u als volgt.

1. Mirando cu no tin un MB, ariba ki base legal e stuurgroep di gobierno pa kinderopvang ta operando?

E stuurgroep a haci su trabou a base di un tarea specifico di e minister di asuntonan social anterior, unda a prepara tur e rekesitonan pa e prome nulmeting nacional sosode y tambe delinea e otro aspectonan importante relaciona cu implementacion di e ley KOPV. Actualmente tin un team chikito ta trahando riba e implementacion di ley cu ta: sra. Sue-Ann Ras como coordinador nacional di implementacion di ley KOPV, sra. Surella Croeze cu ta lider di proyecto centro di cuidado di mucha y supervisor di Codigo, sra. Anouk Eman cu ta lider di proyecto intervencion trempan den e centronan di cuidado di mucha.

2. Ki plan tin pa regularisa tur centro di cuidado di mucha pa crea un level playing field?

P'ese y ta importante p'e Ley KOPV bin na vigor, pero den diferente fase di transicion, unda por tin bista, control y supervision riba tur Centro di Cuido di Mucha na Aruba. Regularisacion ta bay via un Manual di Regulacion, cu lo ta ancla den un MR (Ministeriële Regeling, artikel 17, eerste lid: vaststelling handleiding kwaliteitseisen kinderopvang). E Centronan di Cuido di Mucha ya a ricibi e documento di Manual di Regulacion den su forma di concepto y awor ta den proceso pa haya feedback di e Centronan di Cuido di Mucha.



3. Con gobierno lo percura pa e ley conta pa tur establecimiento, esnan legalmente registra y clandestino?

Door di cumpli cu e exigencianan minimo den e Ley KOPV, mediante un LBham, artikel 8, tweede lid: nadere regels inzake het register van kindercentra, unda ta indica cu tin pone registracion obligatorio via un vergunningstelsel, mesun maneho cu di 'ouderenzorg' cu nan lo tin di pidi na un Departamento apunta. Pues e permiso aki lo ta angra den un Decreto Nacional (LBham), unda cu cada Centro di Cuido di Mucha mester por tin esaki visibel p'e mayornan. Lo informa comunidad, specialmente e mayornan, via campaña di conscientisacion tocante e importancia pa un centro ta registra.

4. Gobierno a haci un studio ariba cuanto famia lo perde acceso na cuido di mucha si prijsnan subi?

Gobierno a haci for di dia 5 di juni 2017 fraccion di AVP a pasa un mocion (OV#22, d.d., 5 juni 2017 OLV#832) unda ta urgi e minister en cuestion:

1.) Pa laga haci un estudio di e posibilidadnan di (co-)financiamiento (subsidio directo, reduccion fiscal) via gobierno y doñonan di trabou, di e costonan di crèche pa muchanan entre 0 y 4 aña, cu e meta pa sigura acesibilidad na cuido y educacion di calidad pa tur mucha, den cual ta tene cuenta cu (1) e capacidad financiero di e mayornan, (2) e distancia di cas pa un crèche di calidad y (3) e disponibilidad di transporte di e famia.

2.) Y pa pasa informa Parlamento di e resultado di e estudio aki riba e plazo mas corto posibel.

Ta di lamenta cu e e minister en cuestion y e minister anterior (sr. Lampe) no a yega na ehecuta esaki. Despues cu a traspasa e cartera di Centro di Cuido di Mucha bou di minister sr. Glenbert Croes (di cual a duna tarea specifico na Sra. Sue-Ann Ras cu a inicia dia 1 di november 2019), a inicia mesora cu henter e proceso pa implementacion di e ley, unda a dedica pa cuminsa haci e prome Nulmeting, pa despues sigui cu e otro investigacionnan/estudionan necesario.

5. Mirando e realidad socio-economico actual, gobierno tin un plan pa asisti mayornan cu no lo pro sigui paga creche?

E estudio/investigacion mester wordo haci ainda, pero si por indica cu a dialoga y presenta henter e desaroyonan di KOPV cu e Inspectoran di Enseñansa di Hulanda, unda a intercambia pensamiento di e preocupacion aki. Tambe ta den e fase pa sinta cu stakeholders local, pa wak ki solucion riba corto plazo por yega na dje, specialmente p' e famianan mas vulnerabel. Pero e Ley Kinderopvang tambe mester drenta na vigor como un exigencia.



6. Gobierno a considera e efecto ariba e muchanan di mayornan cu no lo por sigui manda nan yiu creche y lo mester laganan cu familiar y/of amistad cu no ta profesional?

Cuido di Centro ta keda un cuida caminda ta traha ariba e desaroyo di e mucha y un cuida na cas ta completamente diferente.

Lo ta bon pa defini tambe kico exactamente kiermen cu profesional den e area aki, mirando cu den e Centronan di Cuido di Mucha tin 9.6% a indica cu a caba un scol basico, 13.8% a obtene un LBO diploma, 31.2% tin un MAVO/HAVO diploma (25.7% tin un MAVO diploma), 28.9% tin un MBO diploma, 5.5% tin un HBO diploma y 11.0% tin un diploma riba un otro nivel di estudio. Esaki ta resultado di e Nulmeting di cual tabatin 96 centro cu a participa, cu ta ekivalente na 80% di e cantidad total di centro di cuida di mucha (121) cu tabata registra e momento ey na FPNM. Tambe mester remarca cu tin un porcentahe basta abou; 45.8% CBS (2013) mucha entre 0-3 aña, cu ta bayendo un centro di cuida di mucha. P'esey mes e Ley KOPV ta di sumo importancia p'e drenta na vigor, pa asina por wak e posibilidadnan pa yega na un plan di maneho di subsidio, pa haci e centronan di cuida di mucha mas accesibel pa (tur/mayoria) mucha na Aruba.

7. Ki plan gobierno tin pa crechenan cu ta huur nan lugar y caminda e propietario no ta dispuesto di inverti den e modificacionan necesario pa cumpli cu e ley?

Nos ta bezig cu ronda di consulta cu tur e instancianan gubernamental concerni, pa nos por yega na e palabracionnan concreto, unda no lo perhudica financieramente e centronan di cuida di mucha cu e inversionnan di modificacion necesario. Lo enfoca awo den e modificacionnan urgente di siguridad tanto p'e trahadornan como e muchanan cu ta bishita e centro. Hunto cu e instancianan gubernamental aki, lo traha riba un plan di 3-5 aña, unda cu poco poco por yega na e modificacionnan necesario pa un centro di cuida di mucha.

Ik hoop u hiermee voldoende te hebben geïnformeerd.

Hoogachtend,

Rocco G. Tjon, MBA
Minister van Justitie en Sociale Zaken